


Alkitab Sagan Kakanakan

Mengenal akan

Yesus lawan
Lazarus



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang


Nang mamproduksi: Bible for Children
www.M1914.org

©2023 Bible for Children, Inc.


Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Maria lawan Marta kuatir banar. Ading buhannya Lazarus garing - parah banar. Kakak-kakaknya tahu Lazarus pacangan lakas mati. Buhannya mangirim urang hagan mahiau Yesus. Inya mangasihi kaluarga halus matan Betania ngini.



Pas Yesus mandangar managania Lazarus, Inya baucap ka murid-muridNya, "Panyakit ngini kada pacangan baakhir lawan kamatian," Walaupun Yesus barada bamil-mil jauhnya, Inya tahu lawan jalas napa nang tajadi lawan Lazarus.




Yesus manunggi babarapa hari sabalum tulak ka Betania. Imbah ngintu Inya baucap samacam tatanggihan ka murid-muridNya. "Lazarus sudah mati. Aku sanang Aku kada ada di sana jadi ikam dapat balajar parcaya." Napa arti matan kalimat nang aneh ngini? Napa nang dirancanakan



Yesus
hagan
dilakuakan?





Pas Yesus
sampai di
Betania, Lazarus
sudah mati selama
empat hari. Awaknya,
sudah dibungkus
lawan kain kafan,

lawan sudah
dimasukakan
dalam gua -
kaya kuburan.



Marta tulak manamui Yesus. "Ading ikam pacangan hidup pulang," Yesus baucap. "Aku tahu, di dalam kabangkitan pas akhir zaman," Marta manjawab. Inya bapikir inya harus manunggu sampai hari tarakhir hagan malihat Lazarus pulang.



Tapi
maksud
Yesus lain.



"Akulah
kabangkitan
lawan
hidup"



Yesus baucap ka Marta.
"Barangsiapa percaya ka
Aku, inya pacangan hidup
walaupun inya sudah mati."
Marta percaya ka Yesus.
Inya tahu amun Inya
adalah Anak
Allah. Tapi
kayapa Inya
bisa manulung
Lazarus?



Satiap urang marasa sadih ulih Lazarus mati. Maria dansaknya manangis. Jadi samunyaan kawan-kawannya bausaha hagan manghibur inya. Yesus jua manangis.




Yesus tulak lawan urang-urang
ngintu ka kuburan. Sabuah
batu ganal taandak
manutupi lawang.



"Angkat batu ngintu!" Yesus
mamarintahakan. "Tuhan."
Marta manjawab, "Inya
sudah babau, ulih sudah
ampat haru inya mati."






Kaya nang
diparintahakan Yesus
urang-urang maangkat
batu ngintu. Imbah
Yesus badua ka AbahNya
di surga. Yesus basiap
hagan maadaakan mujizat
nang ganal urang-urang

pacangan
tahu amun
Tuhan nang
mangirim Inya.





"Lazarus!"
Kuciak Yesus.
"Kaluar!" Urang-
urang manatap gua
lawan takjub. Bisakah
Yesus manghidupakan
urang mati?





YA!
Lazarus
kaluar
matan
kuburan,
samunyaan
awaknya
tabungkus
kain kafan -
HIDUP!!



"Buka kain-kain ngintu,"
Yesus baucap. "Biarakan
inya tulak."



Tajadi sukacita ganal di sana! Banyu mata baubah manjadi tawa. Yesus manapati ucapanNya. Lazarus hidup pulang. Hanya Anak Allah nang kawa mambariakan kahidupan ka urang mati.



Banyak urang nang malihat mujizat ngintu parcaya ka Yesus. Tapi sapalih urang lainnya malaporakan Inya ka musuhNya - yaitu pamimpin- pamimpin bait Allah.

Kacamburuan buhannya, maulah buhannya barancana hagan mambunuh Yesus. Pas Yesus tahu hal ngintu Inya tulak jauh hagan samantara.



Yesus lawan Lazarus

Sabuting kisah matan Firman Tuhan, Alkitab

Taulih dalam

Yohanes 11

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

